

Universitätsbibliothek Paderborn

**Petri Petiti Philosophi & Doctoris Medici, Miscellanearum
Observationum Libri quatuor**

Petit, Pierre

Trajecti ad Rhenum, 1682

Cap. III. Alius Ciceronis locus, de Catonis morte spontanea ex eodem libro
primo Officiorum, quid sit gravitas de hominis ingenio usurpata?

urn:nbn:de:hbz:466:1-13245

τεινε, καὶ μεγίστην αὐτῇ προθεῖναι δύναμιν. πάντων γὰρ
αὐτὴν καλαγωνίζομένων, εἰνοτε καὶ πασῶν τῶν πιθανοληπτῶν
μελάτε φεύδεται πομένων, όποιος ὅπως αὐτῇ δι' αὐτῆς εἰς τὸν
φυχὸς ἐισδύεται τῶν αὐθεώπων, καὶ ποτὲ μὲν παραχρῆμα
δείκνυσι τὴν αὐτῆς δύναμιν, ποτὲ δὲ πολὺν χρόνον ἐπισκοπεῖσθαι,
τέλος αὐτῇ δι' αὐτῆς ἐπικρατεῖ καὶ καλαγωνίζεται τὸ φεῦ.
hoc est, Evidem existimo naturam mortalibus verita-
tem constituisse Deam maximam, maximamque illi vim attri-
buisse. Nam hac cum ab omnibus oppugnetur, atque adeo
omnes nonnunquam verisimiles conjecture a mendacio stent;
ipsa per se nescio quomodo in animos hominum se insinuat; &
modo repente illam suam vim exserit; modo tenebris obiecta
longo tempore, ad extremum suapte vi ipsa vincit, obtinetque,
& de mendacio triumphat.

CAPUT III.

*Alius Ciceronis locus, de Catonis morte spon-
tanea ex eodem libro primo Officiorum. quid sit
gravitas de hominis ingenio usurpata?*

Sed & quæ idem disputat de consilio, quod
Cato Uticæ cepit abrumpendæ vitæ, & ad
exitum invitis omnibus perduxit, in eodem
libro de *Officiis*, quam popularem fecutus
sit philosophandi modum, perspicue demon-
strant. Notus est in hac parte veterum furor, si quid iis
accidisset gravius, quam ferendum videretur, ut justas
se habere evita excedendi caussas putarent. Nam hoc in-
ter præcipua virtutis specimina ponebant, si se manu ipsi
in libertatem assererent. Qnod εὐλογον θεαγωγήν voca-
bant, de qua re libellus exstat inter Plotini Enneadas.

In

In primis Romani tale facinus honestum, & generosianimi argumentum censebant: unde apud Horatium Catonis *nobile letum*. Multa & *Seneca*, *Lucanus*, *Valerius*, *Plinius junior*, *Tacitus* in eandem sententiam habent. Hanc igitur & *Cicero* opinionem vulgi fecutus sic Catonis factum defendit: *Atque hæc differentia naturarum tantam habet vim, ut nonnunquam sibi ipsi alius consciere debeat, alius in eadem caussa non debeat.* Num enim alia in caussa M. Cato fuit, alia ceteri, qui se in Africa Cæsari tradiderunt? *Atque ceteris forsitan vitio datum esset, si se interemissent, propterea quod eorum vita levior & mores fuerant faciliores:* Catoni autem cum incredibilem tribuisse natura gravitatem, eamque ipse perpetua constantia roborasset, semperque in proposito, susceptoque consilio permanisset, moriendum potius, quam tyranni vulnus adspiciendus fuit. Hoc igitur est quod nunc considerandum censemus, num scilicet gravitas morem eum in humanis actionibus differentiam constituat, ut quod un nefas est, id alii in eadem caussa, ob hanc naturæ & morum gravitatem facere liceat.

Principio quid *gravitatis* nomine intelligi debeat, nosse convenit, non modo susceptæ disputationis caussa, sed & eruditionis, ne nos vocabuli, quod in bonorum auctorum, qui purissime Latine locuti sunt, monumentis frequenter occurrit, significatio lateat. ut etiam intelligatur, quid iidem auctores velint, cum maxime propriam Romanæ genti gravitatem asserunt. Ut cum Cicero ipse sic de populo Romano in *orat. pro Sextio* loquitur: *Primum in ea civitate nati, unde orta mihi gravitas & magnitudo animi videtur.* Item *Plinius lib. 23. cap. 1.* ubi vinarum genera distinguit *Nos* (inquit) *in ista Romana gravitate, artiumque liberalium appetentia, non ut Medici, sed, ut judices salutis humanae, diligenter distinguemus.* Rursus *lib. 29. cap. 1.* *Solam hanc artium Græcarum (medicinam) nondum exercet Romana gravitas in tanto fructu* Quid est igitur

tur gravitas? quantum ex literis colligere possum, Gravitas habitus est mentis, qua quis neque facile opinioni cuiquam assentitur, neque item ab ea, quam semel veram judicavit, facile se nisi fortiori ratione & manifestis rebus deduci patitur. ostendo ex Cicerone lib. 1. de Natura Deorum non longe ab initio: *Quid tam temerarium, tamque indignum sapientis gravitate, atque constantia, quam aut falsum sentire, aut quod non satis explorare perceptum sit, & cognitum, sine ulla dubitatione defendere?* Apparet etiam manifestissime hoc exemplo gravitatis Lacedæmoniorum, quod narrat Cornelius Nepos in vita Pausaniæ: quem cum Argilius proditionis detulisset, ejusque literas ad Persarum regem protulisset; non prius tamen Ephori quicquam in eum exsequi sustinuerunt, quam ipsum Pausaniam adversus se testem haberent: *Non est prætereunda gravitas Lacedæmoniorum hoc loco: nam ne hujus (Argilii) qui-dem indicio impulsi sunt, ut Pausaniam comprehendenderent: neque prius vim adhibendam putaverunt, quam se ipse indicasset.*

Contra qui levibus momentis ad assentiendum impelluntur, facileque in hanc vel illam partem flectuntur, leves dicuntur. Qualem in veteribus Gallis (si credere fas est) animorum habitum Cæsar notat, lib. 4, de bello Gallico, his verbis: *His de rebus Cæsar certior factus, & insitatem Gallorum veritus, quod sunt in consiliis capiendis mobiles, & novis plerunque rebus student, nihil his committendum existimavit. Est autem hac Gallicæ consuetudinis; ut, & viatores etiam invitatos consistere cogant: &, quod quisque eorum de quaque re audierit, aut cognoverit, querant, & mercatores in oppidis vulgus circumfistat; quibus ex regionibus veniant, quasque res ibi cognoverint, pronuntiare cogant. His rumoribus atque auditionibus permoti, de summis sape rebus consilia ineunt: quorum eos e vestigio pœnitere necesse est, cum incertis rumoribus serviant, & plerique ad voluntatem eo-*

rum

rum facta respondeant. Hujusmodi sunt fere omnes juvenili atate, mobili animo ad omnem impressionem, quos Plato in *Theateto* haud certum tenere cursum, sed varias in partes velut ἀνεργάτισα πλοῖα male faburratae naves im- petu ferri dicit: Quo *Flaccus* respiciens, ad eum modum parum se ullius dogmatis aut sectae tenacem fatetur:

Quo me cumque rapit tempestas, deferor hospes.

Tali igitur ingenio praeditos, *leves* Latinus sermo appellat; *graves* autem, qui contrario modo se habent, stabiles in opinionibus & propositi tenaces. Sumpta est autem vox per translationem ab ea, quæ est in corporibus, gravitate, qua deorsum subsident, & in loco insistunt. Quo enim graviora sunt, eo magis in loco permanent, ac difficilis inde educuntur: levia autem corpora facile moventibus cedunt, & si levissima sunt, sponte evolant.

Ceterum, non, si quis ægre cuiquam orationi assentitur, aut difficulter a sententia deducitur, continuo hunc virum gravem dixeris: nam multis, ne rebus manifestis assensum præbeant, ingenii tarditas & hebetudo obstat; ne sententiam mutent, pertinacia & naturæ torvitas quædam & rigor inflexibilis; quod genus Græci ἀνθάδεις & ιδιογνώμονες, vel etiam ἀμαθεῖς, nos pertinaces & indociles vocamus. quem mentis habitum nemo laudaverit. Nos gravitatem animi virtutem, vel præcipuum censemus; nulla quidem magis philosophum decet; nulla tam annum veritati amicum reddit & conciliat; ab errore præservat. Ad hanc gravitatem pertinere arbitror illud notum Epicharmi, μέμνασο ἀπίστεν, ἀρέθρα ταῦτα τῶν Φενῶν. quo artus sapientiae statuit non credere: temere scilicet & sine valida ratione. Est igitur gravis, non quisquis difficulter credit, sed qui ex prudentia, quia scit verum a falso discernere, & in unoquoque rationes omnes & momenta acute expendit, solum id sequitur, quod magis ratione confirmatum, & veritati congruens vide-

tur. Ejusmodi fuit Socratis gravitas, talis omnium, qui jure sapientes dicuntur.

His ita ut par est, constitutis, nego ex gravitate fecisse Catonem, cum se interfecit, ne Cæsarem victorem & dominum videret, si hoc facinus contra rationem. si quidem nulla, ut probavimus, gravitas esse potest, nisi quam ratio moderatur. Atqui certissimum est recte philosophanti, nullam, uno Dei mandato excepto, cuiquam idoneam dari posse sui interimendi caussam: quam autem M. Tullius Catonem habuisse dicit, hanc futilem & ridiculam fuisse ostendo. negat ei gravitati & constantiae animi quæ in Catone fuit, consentaneum fuisse, sub regno Cæsaris vivere, potius igitur illi mortem fuisse oppetendam, quam vultum tyranni aspiciendum censet, neque aliam præterea qua id probet rationem tam atrocis facti affert. Atqui decebat philosophum, aliquam hujus caussam proferre, qua intelligeretur ex vera gravitate, & certo consilio id profectum; non autem (quod Augustinus lib. I. de Civit. Dei cap. 23. existimat) invidia, ne hoc etiam ad Cæsaris gloriam accederet, pepercisse Catoni; aut pudore servitutis. Nunc solius, ac, ut jam docebo, falsæ gravitatis specie objecta lectorem destituit.

Moriendum, inquit, potius Catoni fuit, quam vultus aspiciendus tyranni. quid ita? quia incredibilem natura ei gravitatem dederat; cumque supra omnes mortales gravis & constans esset, huic persistere in proposito necesse fuit, & mori potius, quam sententiam mutare. Semper enim tyrannidi adversatus fuerat, ejus caussa Cæsari bellum indixerat, libertatem omni ope defenderat: igitur tyrannum nullo modo ferre debuit: proinde aut debellandus fuisset tyrannus, quod fieri posse desperabat; aut quod in proclivierat, anima relinquenda, ne vivendo, indigna videre & pati cogeretur. Hæc, nisi fallor, Ciceronis sententia est in hac defensione Catonis. cuius unicum fundamentum esse

esse liquet, quod Cato in proposito manens, vitam sub principatu Cæsaris retinere non debuit. Hoc autem quis falso a Cicerone accipi non videt? Nempe id semper fuit propositum Catonis Republicæ consulere, libertatem tueri, tyrannidi obstatre, removere eam & impedire, quantum scilicet in ipso esset. Quippe hoc in primis prudenter & gravitatis, non plus neque aliter prodesse velle, quam licet. Majora viribus, & quæ fieri non possunt, affectare, levitatis, & temeritatis. Hoc si animo erat Cato, quid, quæso, tyrannis obstabat, quo minus in eo proposito maneret, hoc est, libertatem communem & jus æquale probaret, violentiam & oppressionem improbabet, atque odio haberet, oppresserat Cæsar armis Rempublicam: fortunæ hæc vis, non culpa Catonis. Ceterum nihil in animos fortuna juris habet, neque si quis viribus & fortunæ succumbit, continuo propositum mutat. Potuit Cato idem manere sub Cæsare, qui incolumi Republica olim fuerat, hoc est, libertatis amans, potentia non legitimæ hostis, meliorum rerum suasor, ubi opus esset, dehortator pejorum: uno verbo rigidæ illius virtutis, quam probabat, assectator & vindex. Alioqui virtus fortunæ obnoxia esset, & libidinis alienæ ac vitiorum mancipium. Quod philosophi negant, in primis Stoici, quos Cato in philosophia maxime probabat. His placuit *omnes sapientes liberos esse, stultos omnes, servos*, quem locum copiose in *Paradoxis* Cicero ex Stoicorum sententia tractat: quo loco hanc thesim ponit: *nisi sapientem, liberum esse neminem.* & probat, quia libertas est potestas vivendi ut velis: id autem ei soli esse concessum, cuius omnia consilia, resque omnes, quas gerit, ab ipso profiscuntur, eodemque referuntur, nec est ulla res, quæ plus apud eum polleat, quam ipsius voluntas, atque judicium. Cui definitioni congruit divisio illa rerum, quæ in nobis, & quæ extranos, apud Epictetum. Nam ut ibi dicitur, quæ in nobis

bis

bis sunt, natura ἐλεύθερα, ἀνώλυτα, ἀπαρεμπόδισα, hoc est, libera sunt, neque impediri aut prohiberi ullo modo possunt.

Quid ni igitur potuisset hoc modo liber esse Cato, sub quocumque dominatu Cæsaris, si sapiens fuit, ut volunt? Nisi forte putamus Socratem non fuisse liberum sub triginta tyrannis, qui tempore illo civitatem Atheniensum durissima servitute premebant. Quorum violentam dominationem & injustitiam, cum vir ille sapientissimus summopere, ut par est, improbaret; non tamen ut eam fugeret, sibi manus ipse violentas attulit, ac nec civitate quidem excedere voluit. Nam potuisset, ut antea Pythagoras, & alii complures, proficisci in exilium, ne patriæ calamitatem videret. Sed illa fortuita ad se pertinere non putabat: quo statu rerum, qua fortuna ute- rentur Athenenses, non esse in se situm intelligebat: vellet depellere tyrannos, civitatem servitute oppressam liberare, si posset, cum id facultatem suam excedere videret, quo potuit solitusque fuit modo, cives doctrina & præceptis sapientiæ adjuvare non distitit, atque ita idem vitæ propositum, atque institutum sequens, dignam philosopho & viro magno constantiam & gravitatem præstítit. non aliter enim sub tyrannis vixit, ac in civitate libera vixerat: eandem animi invicti magnitudinem ac libertatem ostendit, suoque exemplo probavit posse omnia mutari, uno excepto sapientis animo. Quale animi invicti robur Horatius admirans, præclare his versibus expressit:

Justum & tenacem propositi virum

Non civium ardor prava jubentium,

Non vultus instantis tyranni

Mente quatit solida: neque austera

Dux inquieti turbidus Adriae,

Nec fulminantis magna Jovis manus.

Si

*Si fractus illabatur orbis,
Impavidum ferient ruine.*

Quod igitur inter vina & amores juvenum comes labundus poëta vidit, quomodo Catonem fugit, tam cordatum virum, tam gravem, tam severum? An non hoc monstri simile, hominem philosophiae deditum, & præceptis sapientiae plenum, usque adeo veræ rationis, suique oblivisci, ut, quia Cæsar viveret, sibi esse moriendum putaret. Triginta tyrannos Socrates ferre potuit; Cato unum non poterit? Idem Socrates apud *Platonem* in *Phædone* quenquam se vita exigere, priusquam inevitabilem Deus necessitatem imposuerit, nefas judicat; Cato hujus doctrinæ, quæ verissima est, minime ignarus; qui millies fortasse eum *dialogum* legerat, ea ipsa nocte, qua se interemit, relegerat, nihilo minus ira atque indignatione victus, immanni se vulnere mactat, viscera propriis manibus spargit & dissipat, non lacrymis amicorum non filii, non domesticorum ploratu ullo & lamentationibus movetur; non philosophorum quos secum habebat, Apollonis Stoici, & Demetrii Peripatetici, qui, ut verisimile est, eadem illa, quæ modo exposui, vel etiam meliora, suggerebant, ac vehementer eum a tali incepto dehortabantur, ullis disputationibus cedit: Cicero (quod magis mirum videatur) *Platoni*s summus admirator, qui alicubi, ait malle se cum *Platone* errare, quam cum aliis vera sentire, traditam a *Platone* veritatem deserit, & potius, quam Catonem, heroem suum (ita enim in *epistolis ad Atticum* vocat) peccasse fateatur, atrocissimum omnium facinus contra philosophorum potiorum decreta, immo contra naturæ primam legem propalam defendit. Quod igitur male defendat, ex dictis patet: nunc quod heic Catonis factum probat, ut alibi suppresso Catonis nomine improbat atque vituperet, videre operæ pretium est. Sic idem in præfat.

lib.

lib. 2. de Divin. Dabunt igitur mihi veniam mei cives; vel gratiam potius habebunt, quod cum esse in unius potestate respubl. nequeat ego me abdidi, neque deserui neque affuxi: neque ita gessi, quasi homini aut temporibus iratus: neque ita porro aut adulatus, aut admiratus sum fortunam alterius, ut me meæ pœniteret: id enim ipsum a Platone philosophaque didiceram, naturales esse conversiones quasdam rerum publicarum &c. Nimirum his verbis, nisi admodum fallor, Catonem, qui id non viderit & se affixerit, inficitæ & temeritatis taxat.

C A P U T IV.

Ejusdem M. Tullii problema, de paucitate oratorum excellentium, nullum esse ostenditur.

Hoc etiam quod, eidem Ciceroni visum est dignum consideratione, ab ipso autem proponitur & explicatur in primo de *Oratore*, de oratorum paucitate & frequentia expendere placet. Sic autem difficultatem proponit: *Ac mihi quidem sèpenumero in summos homines, ac summis ingenitis præditos intuenti, querendum esse visum est, quid esset, cur plures in omnibus artibus, quam in dicendo admirabiles existissent?* Quibus verbis hoc statim pro explorato ac rato accipit, pauciores multo in dicendi arte illustres viros semper fuisse, quam in aliis disciplinis. Mihi vero (pace viri tanti dicere liceat) non modo non manifestum id, sed etiam falsum videtur; neque illa, quam ibi habet, inductio, virorum artibus variis florentium, mihi quicquam certi ostendit, quia neminem eorum, quos in aliis facultatibus excelluisse dicit, nominat; sed sola disciplinarum atque artium genera percensens, politicam, philosopho-